

ՊԱՅՄԱՆԱԳԻՐ

**2019 ԹՎԱԿԱՆԻ ԸՆԹԱՑՔՈՒՄ ԱԶԱԿՑՈՒԹՅՈՒՆ ԻՐԱՎԱԽԱՆՏՈՒՄ ԿԱՏԱՐԱԾ
ԱՆՁԱՆՑ ԳԵՂԱԳԻՏԱԿԱՆ ԴԱՍՏԻԱՐԱԿՈՒԹՅԱՆ ԵՎ ԿՐԹՈՒԹՅԱՆ ԾՐԱԳՐԵՐԻ
ԻՐԱԿԱՆԱՑՄԱՆ ՀԱՄԱՐ «ԻՐԱՎԱԿԱՆ ԿՐԹՈՒԹՅԱՆ ԵՎ
ՎԵՐԱԿԱՆԳՆՈՂԱԿԱՆ ԾՐԱԳՐԵՐԻ ԻՐԱԿԱՆԱՑՄԱՆ ԿԵՆՏՐՈՆ» ՊԵՏԱԿԱՆ ՈՉ
ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆԸ ՊԵՏՈՒԹՅԱՆ ԿՈՂՄԻՑ
ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ
ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ**

N ՀՀ ԱԶԸ - 5

ք.Երևան

05 » փետրվար 2019թ.

Հայաստանի Հանրապետության արդարադատության նախարարությունը, ի դեմս գլխավոր քարտուղար Նունե Խաչատրյանի (այսուհետ՝ պետական մարմին), որը գործում է պետական մարմնի կանոնադրության հիման վրա, մի կողմից, և «Իրավական կրթության և վերականգնողական ծրագրերի իրականացման կենտրոն» պետական ոչ առևտրային կազմակերպությունը, ի դեմս տնօրեն Աշոտ Հայրապետյանի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2003 թվականի դեկտեմբերի 24-ի «Հայաստանի Հանրապետության պետական բյուջեից իրավաբանական անձանց սուբսիդիաների եւ դրամաշնորհների հատկացման կարգը հաստատելու մասին» N 1937-Ն որոշումը, «Հայաստանի Հանրապետության 2019 թվականի պետական բյուջեի մասին» Հայաստանի Հանրապետության օրենքը, Հայաստանի Հանրապետության կառավարության 2018 թվականի դեկտեմբերի 27-ի «Հայաստանի Հանրապետության 2019 թվականի պետական բյուջեի կատարումն ապահովող միջոցառումների մասին» N 1515 որոշման հավելված 5-ի 8-աղյուսակը (այսուհետ՝ որոշում), ինչպես նաև Հայաստանի Հանրապետության արդարադատության նախարարի 2019 թվականի փետրվարի 05-ի N 32-Ա հրամանը (այսուհետ՝ հրաման)՝ «Քրեակատարողական ծառայություններ» ծրագրի մաս հանդիսացող «Իրավախախտում կատարած անձանց զեղազիտական դաստիարակության և կրթական ծրագրերի իրականացում» միջոցառման (այսուհետ՝ ծրագիր) իրականացման նպատակով, կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. Պայմանագրի առարկան

1.1. Սույն պայմանագրով պետական մարմինը պարտավորվում է ծրագրի մաս հանդիսացող «Իրավախախտում կատարած անձանց զեղազիտական դաստիարակության և կրթական ծրագրերի իրականացում» միջոցառման իրականացման նպատակով կազմակերպությանը հատկացնել Հայաստանի Հանրապետության կառավարության 2018 թվականի դեկտեմբերի 27-ի «Հայաստանի Հանրապետության 2019 թվականի պետական բյուջեի կատարումն ապահովող միջոցառումների մասին» N 1515-ն որոշման հավելված 5-ի 8-աղյուսակով նախատեսված՝ 36927.4 հազ. (երեսունվեց միլիոն ինը հարյուր քսանյոթ հազար չորս հարյուր) ՀՀ դրամ գումար՝ ներառյալ ավելացված արժեքի հարկը, իսկ կազմակերպությունը պարտավորվում է ծրագիրն իրականացնել հրամանով և սույն պայմանագրով սահմանված կարգով և չափով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելված 1-ում:

2. Կողմերի իրավունքները և պարտավորությունները

2.1. Պետական մարմինն իրավունք ունի՝

2.1.1. ցանկացած ժամանակ ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը:

2.1.2. որոշմամբ սահմանված պահանջներին չհամապատասխանելու դեպքում իր հայեցողությամբ սահմանել թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 5.2.-ի կետով նախատեսված տուգանքը:

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացնելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին:

2.1.4. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. սույն պայմանագրի 5.1. կետով սահմանված կարգով պետական մարմնից ստանալու որոշմամբ սահմանված՝ ՀՀ պետական բյուջեից հատկացվող գումարը:

2.2.2. պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.3. Պետական մարմինը պարտավոր է՝

2.3.1. ծրագրով նախատեսված դեպքերում աջակցել կազմակերպությանը:

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ:

2.3.3. իրականացնել ծրագրով նախատեսված այլ աշխատանքներ:

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 5 աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են: Ընդ որում, պետական մարմինը հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է կազմակերպությանը:

այլապես այն համարվում է ընդունված:

2.4. Կազմակերպությունը պարտավոր է՝

2.4.1. իրականացնել ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում:

2.4.2. պայմանագրով նախատեսված ֆինանսական միջոցներն օգտագործել ծրագրով եւ (կամ) սույն պայմանագրով սահմանված նպատակներով ու չափաքանակներով:

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները:

2.4.4. սույն պայմանագրով սահմանված կարգով պետական մարմին ներկայացնել միջոցառումների իրականացման մասին հաշվետվություններ, իսկ ծրագրի ավարտից հետո՝ ամփոփ հաշվետվություն:

2.4.5. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

2.4.6. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները:

2.4.7. ծրագրի իրականացման համար անհրաժեշտ ապրանքները, աշխատանքները եւ ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

2.4.8. սույն պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո կազմակերպությունը միջոցառումների իրականացման արդյունքում առաջացած՝ ՀՀ պետական բյուջեից ստացված միջոցների տևտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2019 թվականի դեկտեմբերի 25-ը:

3. Մոնիթորինգը

3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

4. Հաշվետվությունների ներկայացման ժամկետները

4.1. Կազմակերպությունը յուրաքանչյուր եռամսյակի ավարտից հետո պետական մարմին է ներկայացնում ՀՀ ֆինանսների և էկոնոմիկայի նախարարի 2007 թվականի մարտի 28-ի N 324-Ն հրամանով, ՀՀ ֆինանսների նախարարի 2013 թվականի փետրվարի 4-ի N 104-Ն հրամանով և ՀՀ ֆինանսների նախարարի 2015 թվականի ապրիլի 1-ի N 176-Ն հրամանով հաստատված ձեռնարկի համապատասխան կազմված հաշվետվությունները՝ այդ հրամաններով սահմանված ժամկետներում, ինչպես նաև կատարված աշխատանքների վերաբերյալ եռամսյակային և տարեկան ամփոփ հաշվետվություններ:

5. Վճարման կարգը և ժամկետները

5.1. Կազմակերպությանը վճարումները կատարվում են որոշմամբ նախատեսված՝ ծրագրով սահմանված վճարումների կատարման եռամսյակային համամասնություններին համապատասխան՝ ամսական կտրվածքով՝ ոչ ուշ քան հաջորդ ամսվա 10-ը, բացառությամբ դեկտեմբեր ամսվա հասանելիք գումարի, որը կփոխանցվի մինչև դեկտեմբերի 20-ը՝ համաձայն ներկայացված ֆինանսական պարտավորությունների կատարման ժամանակացույցի (հավելված 2):

5.2. Սույն պայմանագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է պետական մարմնին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 (մեկ) տոկոսի չափով: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից:

6. Կողմերի պատասխանատվությունը

6.1. Սույն պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է պետական մարմնին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից:

7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից, տարածվում է 2019 թվականի հունվարի 1-ից հետո ծագած հարաբերությունների վրա և գործում է մինչև կողմերի ստանձնած պարտավորությունների՝ ամբողջ ծավալով կատարումը:

8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, եւ որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական եւ արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը եւ այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. Հայաստանի Հանրապետության կառավարության կողմից հաստատված ծրագիրը հանդիսանում է սույն պայմանագրի անբաժանելի մասը:

9.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր եւ ստորագրված են կողմերի կողմից:

9.3. Պայմանագիրը կնքվում է երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.4. Պայմանագրով նախատեսված պարտավորությունների չկատարման հետ կապված, ինչպես նաեւ սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. Կողմերի հասցեները, բանկային վավերապայմանները եւ ստորագրությունները

Պետական մարմին՝

«Հայաստանի Հանրապետության արդարադատության նախարարության աշխատակազմ» պետական կառավարչական հիմնարկ
ք.Երևան, Վ.Սարգսյան 3/8,
ՀՎՀՀ 02506264

Հայաստանի Հանրապետության ֆինանսների նախարարության աշխատակազմի գործառնական վարչություն
Հ/Հ 900011194270

Գլխավոր քարտուղար՝


Կ.Տ. Ն. Խաչատրյան

Կազմակերպություն՝

«Իրավական կրթության և վերականգնողական ծրագրերի իրականացման կենտրոն» ՊՈԱԿ
ք.Երևան, Մ. Խորենացու 162ա
ՀՎՀՀ 02509478

ՀՀ ՖՆ աշխատակազմի գործառնական վարչություն
Հ/Հ 900018004821

Տնօրեն՝



Ա. Հայրապետյան

Մ Ի Ջ Ո Ց Ա Ռ ՈՒ Մ Ն Ե Ր

Իրականացվելիք միջոցառման						
ՆՆ ը/կ	Անվանումը	Համառոտ բովանդակությունը	Կատարման ենթակա գործառույթների նկարագիրը	Ակնկալվող արդյունքները և դրանց գնահատման չափանիշները	Վերջնաժամկետը	Պահանջվող գումարը (հազ. դրամ)
1.	Իրավախախտում կատարած անձանց գեղագիտական դաստիարակության և կրթության ծրագրի իրականացումը ներառում է հետևյալ դասընթացները (թեմաները). <i>Ղեկորազիվ կիրառական արվեստը</i> <i>Հայրց լեզու և գրականություն</i> <i>Անգլերեն լեզու</i> <i>Հանակարգչային հմտություններ</i> <i>Քիզնես գրագիտություն:</i>	1. Իրավախախտում կատարած անձանց գեղագիտական դաստիարակության և կրթության ծրագրի իրականացումը ներառում է հետևյալ դասընթացները (թեմաները). <i>Ղեկորազիվ կիրառական արվեստը</i> <i>Հայրց լեզու և գրականություն</i> <i>Անգլերեն լեզու</i> <i>Հանակարգչային հմտություններ</i> <i>Քիզնես գրագիտություն:</i>	Դատապարտված և կայանավորված անձանց (ներառյալ պրորազիայի շահառուների) գեղագիտական դաստիարակությանը և կրթությանն ուղղված դասընթացների իրականացում	Արդյունք՝ Գիտելիքների տրամադրում (փոխանցում), հմտությունների ու կարողությունների զարգացում և գեղագիտական դաստիարակություն: Գնահատման չափանիշներ՝ 1. Ծրագրի (միջոցառման) իրականացումը (վկայական) ստացած մասնակիցների թիվը: Ծրագրի ավարտական իրականացումը տրամադրվում է այն մասնակիցներին, ովքեր արձևագն երկու (կամ ավելի) թեմաների շրջանակում մասնակցել են 240 ավարտնիական ժամ	2019 թվականի դեկտեմբերի 20-ը	36927.4
	Իրավախախտում կատարած անձանց գեղագիտական դաստիարակության և կրթական ծրագրերի իրականացում	2. Դասընթացներն իրականացվելու են 22 խմբով (տարաբանչյուր խմբում նվազագույնը՝ 2, առավելագույնը՝ 8 մասնակից), ընդհանուր արժանք՝				

	<p>110 կայանավորված և դատապարտված անձի (ներառյալ պորբացիայի շահատուների) հաշվարկով: Դասընթացների ընդհանուր տևողությունը ողջ միջոցառման ընթացքում 5280 ակադեմիական ժամ է: Մեկ ակադեմիական ժամի տևողությունը 40 րոպե է:</p> <p>Դասախոսությունները ներառում են թեմայի շրջանակում տեսական և հիմնարար գիտելիքների տրամադրում, իսկ գործնական պարապմունքները՝ գործնական հմտությունների զարգացման ուղղված ինտերակտիվ ուսուցում, ինչպես նաև կայանավորված և դատապարտված անձանց (ներառյալ պորբացիայի շահատուների) անհատական աշխատանքների պատրաստում և ցուցադրություն, ուսումնական կամ փաստավավերագրական ֆիլմերի ցուցադրում և այլն:</p> <p>3. Ծրագիրը (միջոցառումը) պետք է իրականացվի՝ ՀՀ արդարադատության նախարարության «Արմյան» և «Արմավիր» քրեկատարողական ինժեարներում պահվող դատապարտյալների և կայանավորված անձանց համար:</p>		<p>տևողությամբ (ընդհանուր հանրագումարը) դասընթացների՝ րայց մեկ թեմայից պետք է մասնակցած լինեն արձակաճ 60 ակադեմիական ժամ տևողությամբ դասընթացի, և այդ դասընթացների ավարտին՝ դասավանդողների կողմից ստացել են դրական կարծիք, որի մեջ գնահատված է դասընթացների (թեմաների) մասնակցի՝ վարքը, ուսումնական ակտիվությունը, ուսումնագործնական առաջադրանքների կատարման մակարդակը, հաշվի առնելով մասնակցի հոգեֆիզիոլոգիական առանձնահատկությունները: Հակառակ պարագայում մասնակիցներին ըստ թեմաների տրամադրվում է մասնակցության վկայագիր, եթե մասնակիցը մեկ թեմայի շրջանակում մասնակցել է արձակաճ 120 ակադեմիական ժամ տևողությամբ դասընթացի:</p> <p>2. Դասընթացների համապատասխանությունը իրանմուկ հաստատված ծրագրի թեմաներին:</p>	
--	--	--	---	--

	<p>ինչպես նաև ՀՀ արդարադատության նախարարության պրորազիայի ծառայության կենտրոնական մարմնում՝ պրորազիայի շահատուների համար: Դասընթացների իրականացման ընթացքում պետք է վարվեն դասընթացների մասնակիցների հաճախելության մատյաններ:</p> <p>4. Դասընթացների իրականացման համար ուսուցանվողներին (ունկնդիրներին) սրանադրվում են անհրաժեշտ ուսումնաստանայալ նյութեր (կապ, ներկեր, փծիկներ և այլն) և գրեմական պիտույքներ:</p>			
--	--	--	--	--

Պետական մարմին՝

«Հայաստանի Հանրապետության արդարադատության նախարարության աշխատակազմ» պետական կառավարչական հիմնարկ
 ք. Երևան, Վ. Սարգսյան 3/8,
 ՀՎՀՀ 02506264

Հայաստանի Հանրապետության ֆինանսների նախարարության աշխատակազմի գործառնական վարչություն
 ՀՎՀՀ 90001194330

Գլխավոր քարտուղար՝

Զ. Կապույտ
 Կ.Տ.

Ն. Խաչատրյան

Կազմակերպություն՝

«Իրավական կրթության և վերականգնողական ծրագրերի իրականացման կենտրոն» ՊՈԱԿ
 ք. Երևան, Մ. Խորենացու 162ա
 ՀՎՀՀ 02509478

ՀՀ ՖՆ աշխատակազմի գործառնական վարչություն
 ՀՎՀՀ 900018004821

Ս. Հարությունյան
 Կ.Տ.

Տնօրեն՝

«Աջակցություն իրավախախտում կատարած անձանց գեղագիտական դաստիարակության և կրթության ծրագրերի իրականացմանը» ծրագրի գծով 2019 թվականի բյուջետային հատկացումների (աճողական) սահմանաքանակների վերաբերյալ ժամանակացույց*

Ծրագրի անվանումը	Ընդամենը տարեկան	Նախատեսվում է ֆինանսավորել ՀՀ 2019թ. պետական բյուջեից, ընդ որում										Հազար դրամ	
		հունվար	փետրվար	մարտ	ապրիլ	մայիս	հունիս	հուլիս	օգոստ.	սեպտեմ.	հոկտեմ.		նոյեմ.
Աջակցություն իրավախախտում կատարած անձանց գեղագիտական դաստիարակության և կրթության ծրագրերի իրականացմանը	36927.4	0	3077.9	6155.8	9233.1	12310.4	15387.6	18465.0	21542.2	25025.7	28722.1	32824.7	36927.4

(* թվերը ներկայացված են աճողական կարգով)

Պետական մարմին*

«Հայաստանի Հանրապետության արդարադատության նախարարության աշխատակազմ» պետական կառավարչական հիմնարկ
 ք. Երևան, Վ. Սարգսյան 3/8,
 ՀՎՀՀ 02506264

Հայաստանի Հանրապետության ֆինանսների նախարարության աշխատակազմի գործառնական վարչություն
 Հ/Հ 90001194330

Գլխավոր քարտուղար՝

[Ստորագրություն]
 Կ.Տ.



Տնօրեն՝

Կազմակերպություն՝

«Իրավական կրթության և վերականգնողական ծրագրերի իրականացման կենտրոն» ՊՈԱԿ
 ք. Երևան, Մ. Խորենացու 162ա
 ՀՎՀՀ 02509478

ՀՀ ՖՆ աշխատակազմի գործառնական վարչություն
 Հ/Հ 900018004821



Մ. Հարությունյան